



# САМУРДИН

## сес

«Магъарамдхуьруьн район» МР-дин  
общественно- политический газет.  
Общественно-политическая газета  
МР «Магарамкентский район».

Газет 1951- йисалай акъятзава. № 37 (7805) киш, 10 - сентябрь, 2016- йис. Къимет 6 манат.

## Суварин тебрик

ГЪУЪРМЕТЛУ стхаяр ва вахар!  
Мусурманрин календарда къалурнавайвал,  
2016- йисан 12- сентябрдиз, Ислам динда вири-  
далайни члехи ва важиблу тир Къурбан сувар  
кыле тухуда.

Муниципальный райондин, адан администра-  
циядин ва кылди жуван патай за кез мусур-  
манрин алуькнавай члехи сувар - «Къурбан су-  
вар» риклин сидкыдай мубаракзава. Къуй куне  
гудай садакъяр Аллагъди къабулдайбур хъурай.  
Амин!

Ф. АГЪМЕДОВ,  
«Магъарамдхуьруьн район»  
МР-дин кыл.



**2016**      **18-**  
**-йисан сентябрдиз**



Россиядин Федерациядин Федеральный Собраниедин  
**Государстводин думадиз**

ва

Дагъустан Республикадин

**Халкъдин Собраниедиз**

**СЕЧКИЯР**

**кыле  
фида**

## ШКОЛАЯР АХТАРМИШНА

30-АВГУСТДИЗ, Чирвилерин йикъан вилик, Дагъустандин образованиедин ва илимдин министр Шагъабас ШАГЪОВ ва ДГТУ-дин Халкъдин Собраниедин депутат Тагъир ИСМАИЛОВ Магъарамдхуьруьн районда мугъманвиле хъана.



«МАГЪАРАМДХУЪРУЪН РАЙОН» муниципальный тешкилатдин кьил Фарид

АГЪМЕДОВ, райондин образованиедин управлениедин начальник Улубег АБЕЙДУЛЛА-

ЕВ, УО-дин профсоюздин организациядин председатель Шевкет МЕГЪАМЕДОВНИ галаз абур райондин Ярагъкъазмайрин, Оружбадин, Цийихуьруьн школайриз фена.

Шагъабас Шагъовани Тагъир Исмаилова малимрихъ галаз суьгъбетарна, абурун дердийрихъ яб акална, хци месэляяр гялуни рекьер веревирдна.

Оружбайрин хуьруьн школа разивал ийиз тежедай галда ава. Директор Рабия Къагъримановади суьгъбет авурвал, школа чимивилелди лазим тирвал таъминариз жезвач, дараматдин къав куьгне хъанва, марфар хъайивалди тилияр къезва, дакларар ва ракларар жуфт туш. Спортдин майданални ученикриз дуьзгуьн шартлар тешкилиз хъанвач. → 4

1- СЕНТЯБРДИЗ райондин вири хуьрера хъиз Оружбайрин юкъван школадани сад лагъай зенгини ван авуна. И юкъуз экуьнахъ сятдин клуьдаз, клелунин цийи йис башламишуниз талукъарнавай шад линейка башламиш хъана.

Ам сифте гаф рахуналди «Магъарамдхуьруьн район» МР-дин кьил Фарид Загъидинович Агъмедова ачухна ва ам анал рахана. Фарид Загъидиновича кьейд авурвал и югъ вири районгялияр патал лишанлу йикъарикай са югъ я. «Гуьрмет ийизвай кеспияр гзаф ава, - лагъана вичин рахунра Фарид Загъидиновича. –Абурукай сад малимвиле пеше я. Къе суварин юкъуз заз малимриз разивилелди ва гуьрмет авуналди лугъуз кланзава: куьне, Гуьрметлу малимар, школадиз ва аялриз вири уьмуьр гузва. Чи районда образование социальный рекьяй эвелимжи чкадал алайбурукай сад я. Райондин руководстводи малимрин ва аялрин тереф хуьниз, образованиедин учрежденирин материалринни техникадин

## Ракларар ачухна



база вилик тухуниз къетлен фикир гузва. Ихтияр це заз райондин руководствомдин ва кьилди жуван патай и гуьзел югъ- Чирвилерин югъ Оружбайрин хуьруьн жемятдиз мубаракдай. Къуй и школадай акъатзавай аялар еке дережайрив

агакърай. Абурукай район, республика машгъурдай пешекарар хъурай.

Шадвилеин линейка сифтегъан зенг ягъуналди ва школадан ракларар ачухуналди акъалтина.

**Р. МУРАДАЛИЕВ.**

## Сад лагъай зенгини ван авуна



ЧИРВИЛЕРИН юкьуз- 1- сентябрдиз вири уьлкведа образованиедин учрежденири, гатун каникулрилай кьулухъ, чпин ракарар ачухна. И юкьуз малимри ученикар, иллаки школадиз сифте кьезвай аялар хушвилелди ва кьайгьударвилелди кьабулна. Га и кар школадиз сифте яз кам кьачур аялрини гьисс авуна.

Школьникрин линейкаяр чирвилерин вири школайра шад гьалара кьиле фена. Магьарамдхурун 1- нумрадин юкьван школада сифте зенгинин линейка « Магьарамдхурун район» МР-дин кьилин сад лагъай заместитель Гьабибуллагь Мурадалиева ачухна. Гьабибуллагь Желиловича вири аялриз, малимриз ва диде-бу-

байриз кьелдай цийи йис башламишун мубаракна, ученикрин чирвилерин рекье хьсан сефер хьурай лагъана. Инсандиз анжах хьсан образованиеди шадвал ва агалкьун гьидайди кьейдна. Кье сифте яз партайрихъ ацукьзавай ученикрин гележег умудлуди ва бахтлуди жедайдахъ инанмишвал ийизвайди лагъана. Эхиримжи йисара районда образованиедин хиле хьсанвилехъ гзаф дегишвилер хьанва. Школайра медалистрин кьадар йис-йисандавай артух жезва, райондин малимри республикадин конкурсрани кьвердавай хьсан нетижаяр кьалурзава. Идалай кьулухъни га ихьтин еришдалди давам жедайдахъ инанмишвал ийидайди лагъана.

Ахпа сад лагъай зенгини ван авуна ва школадиз сифте яз физвай сад лагъай классдин аялар гьахьна. Линейкадал кватл хьанвайбуру абур гурлу капаралди рекье туна ва абуруз чирвилерин дуьньядиз хьсан сефер хьурай лагъана.

**Р. МУРАДАЛИЕВ.**

### СЕЧКИЯР - 2016

## СЕЧКИЧИРИХЪ ГАЛАЗ ГУЬРУШМИШ ХЬАНА

МАЛУМ тирвал, алай йисан 18- сентябрдиз Госдумадин, республикадин парламентдин ва чкадин органрин кьуллугьрин сечкияр кьиле фида. Идахъ галаз алакьалу яз 31-августдиз Дагъустан республикадин Халкьдин Собраниедин председателдин заместитель, КПРФ- дин рескомдин I- секретарь Магьмудов Магьмуд Гьажулаевич сечкичийрихъ галаз гуьрушмиш хьана.

Гуьруш сифте гаф рахуналди РД- дин Халкьдин Собраниедиз депутатвиле кандидат яз кьалурнавай Зейдуллагь Мурсалова ачухна ва рахун патал гаф КПРФ- дин рескомдин I- секретарь Магьмудов Магьмуд Гьажулаевичаз гана.

-Заз чи уьлкведа, иллаки

кьиблепатан Дагъустанда авай гьалар, инсанрин дуланажагьдинни яшайишдин шартлар ва наразивилер лап хьсандиз чизва. За исятда депутат хьуникай ваъ, авай кимивилер арадай гьикл акъуддатла, завай кьез гьихьтин куьмек гуз жедатла гьадакай фикирзава. Закай депутат хьунилай ва я тахьунилай аслу тушиз, залай алакьдай вири куьмекар за гуда,- лагъана Магьмуд Гьажулаевича ва сечкичийр КПРФ- дин цуд камуникай ибарат тир гегьенш программадихъ галаз танишарна.

Гуьрушдин эхирдай Магьмуд Гьажулаевича сечкичийрин суалриз жавабар гана.

## КЪАРАР КЪАБУЛНА

И ЙИКЪАРА «Уьмуьр патал хизан кьутармишин» лишандик кваз райондин дигегьлийрин Советдин нубатдин заседание кьиле фена. Заседаниедал са жерге месэлайриз килигна.

Заседание сифте гаф рахуналди «Магьарамдхурун район» МР- дин кьилин заместитель Марта Абдуллаевади ачухна. Марта Насруллагьовна кьенин юкьуз аялар дуьз тербияламишунин, и карда диде-бубаяр абуруз чешне хьунин, хизанрин хьсан адетар ва халкьдин культура хуьнин важиблувилик гегьеншдиз рахана.

**→ 4**

2 ←

Гъа ихътин месэляяр Ярагъкъазмайрин школадиз феи чъавузни раижна. Школа аварийный гъалда ава. Ам лап куьгъне хъанва.

Гуьруьшар кыле фидай чъавуз РД-дин Халкъдин Собраниедин депутат яз Тагъир Исмаилова РД-дин образованиедин ва илимдин министрдивай и школайра дуьзгун шартлар тешкилуни карда куьмекар гун тлалабна.

Тагъир Исмаилова хабар гайивал, адан тлалабуналди виликдай Ярагъкъазмайрин школа материально-технический жигъетдай авай гъал тайинарун, гележегда куьгъне дарамат цийикла туклуьр хъувун патал ахтармишун кыле тухванай. А чъавуз 450 чка патал проект тестикъарнай.

Школайрин дараматриз килигдайла ва кватл хъанвайбурун фикиррихъ яб акалдайла гуьгъуниз министр Шагъабас Шагъова къейдна. «Чна и месэла гъалун патал вири къуватар эцигда. И мураддалди гъакъкъатда авай гъалар чирун и барадай рай-

## ШКОЛАЯР АХТАРМИШНА



ондин администрациядинни министерстводин мумкинвилер тайинарун герек я. Аялри ихътин шартлара келун лазим туш». Шагъабас Шагъова вири документация гъазуруни тапшуругъ гана ва месэла гъалун патал мукъвал тир гележегда мумкин тир вири крар авун хиве къуна.

Образованиедин идарайриз феи чъавуз министрдихъ галаз хъайи Магъарамдхуьруьн райондин кыл Фарид Агъмедова ва РД-дин Халкъдин Собраниедин депутат Тагъир Исмаилова Шагъабас Шагъоваз мугъманвиллиз атунай сагърай лагъана.

## КЪАРАР КЪАБУЛНА

3 ←

И темадай доклад авур дишегълийрин Советдин председатель Тагъуя Тагъировади къейд авурвал, хизанрихъ галаз кваллахун ва хизанрин интересар хуьн райондин дишегълийрин Советдин кылин везифайрик акатзава.

Докладдин винел рахай Цийихуьруьн юкъван школадин социальный педагог Майя Магъамедовади, алай вахтунда авай гъалара аялар тербияламишун гзаф четин тирди лагъана ва давамар-

на. -Чна къал авай хизанрихъ галаз кваллахунин карда алай вахтунда кардик квай технологияр ишлемишзава, гъар жуьре видеороликар къалурзава, абурухъ галаз кылди-кылди суьгъбетар тухузва, абур авай четин гъалдин гъавурда тваз алахъзава. Нетижанда дегишвилер хъайи хизанарни ава.

Райондин МВД-дин отделдин яш тамам тахъанвайбурун крарай инспектор Зайнаб Гъажималиковади лагъайвал, диде-бубайрин жавабдарвал авачир хизанра, абур чукулунин хаталувални артух жезва. Гъа

ихътин хизанра четинвилерни, гъал тежезвай месэляярни гзаф жезва.

Заседаниедал и месэлайрай райондин Обществений Палатадин председатель Агъадаш Нагъметуллаева, ЗАГС-дин отделдин начальник Тахмина Гуьсейновади, райондин депутатрин Собраниедин председателдин заместитель Милана Караевади чпин фикирарни лагъана.

Заседаниедал гъалай месэлайрин гъакъиндай гегъенш къарар къабулна.

**А. АЙДЕМИРОВА.**

## ИМ ХУЪР ТУШ, ШЕГЪЕР Я

1966-ЙИСУЗ хъайи залзаладин завалди халкъдиз еке зиянар гана.

Ківалер-къар, школяяр, фермаяр ва халкъдиз важиблу гзаф карханаяр чуклурна. Са шумуд бубаяр яшамиш хъайи ватанар вара-зара хъана. Гъихтин гъар жуьредин яр-емишдин багълар, са шумуд агъзур тоннралди техил кват! хъийизвай никлер авай чи дагъларин са бязи хуърер арандиз куьч хъуниз мажбур хъана Сагърай гьукумат! Вичин харжийралди виридаз квал-югь кутадай мумкинвилер гана. Халкъ тахта-шалмандалди, шифердалди ва пулдин такъатралди таъминарна.

Дагъларин гъавадихъ галаз вердиш инсанар, арандиз эвичайла, цаяр къвез, гзаф азарлу жез хъана. И кардизни гьукуматди еке фикир гана ва лазим тир серенжемар къабулна.

Магъарамдхуъруьн райондин Советск хуърни гъа ихътинбурукай сад я. Къа-мишлухри къунвай и калун чилер кул-кусдикай михьи авуна, Баку-Ростов шегъере къерехдал са шумуд

хуъруьн жемятдикай ибарат тир члехи хуър кутуна. Ирид хуър-ирид жемят са суфрадихъ ацукъна. Сифте колхоз, гьугъуьнлайни «Фрунзенский» совхоз тешкилайла, багълар, уьзуьмлухар, фермаяр арадал атана. Гьукуматдиз гъар йисуз са шумуд агъзур тонн яр-емиш, салан майваяр, техил, як, нек, ниси маса гуз хъана. Хуър шегъердиз элкъвена. Куьчейра къван туна, симин шалманрал лампаяр эцигна, халкъдиз ял ядай парк туклуьрна, патай атай мугъманриз тлуьн гунин мураддалди столовой кардик кутуна, пуд мертебадин школа, фу чрадай пекарня эцигна, хуъруьз хъвадай ва салар дигидай яд, газ гъана. Халкъдин дуланажагъ къвердавай хъсан хъана.

Ибур, гьелбетда, тимил ківалахар тушир. Вири хуъруьн жемятди гьил- гьиле къуна, гъакъисагъвилелди зегъмет члугурла, арадал атанвай агалкъунар тир.

Гъайиф хьи, чи шадвилер яргълди фенач. Къизил хътин Советрин уьлкве вара-зара авуна, колхозар, совхозар чуклурна, халкъди кутунвай багълар, уьзуьмлухар, агъзур-

ралди лапагар, малар авай фермаяр тергна. Халкъ ківалах амачиз амукъна. И члехи жемят базаррикни алишверишдик акатна.

Алай вахтунда са бязи четинвилеризни килиг тавуна, хуъруьн администрациядин къил Асваров Эмирагъадин регъбервилек кваз хуър аваданламишзава, халкъдин дуланажагъдин шартларни хъсанарзава.

Чкланвай парк, кул-кусдикай михъна, къелемар цун хъувунва, жугъунар къайдадиз хканва, куьчейр, чиргъ вегъена, дуьзарнава, хуъруьн къен ва шегъере къерехар зир-зибилдикай михънава, хъвадай ва салариз гудай цин патухъай къайгъу члугвазва. Гадарнавай чилер кардик кутан хъийизва.

-Халкъдин садвал хъайила, дуланажагъдин шартларни артух жеда, - лугъузва Асваров Эмирагъади.

**Ражадуллагъ  
САЛМАНОВ.**

**Советск хуър.**

## КЪАРИБОВ      РУСТАМАЗ      БАХШЗАВА

*Акурла заз ачух суьгъбет,  
Заз клан хъана ийиз гьуьрмет.  
Устад я вун, я вун гьелбет,  
Манидар я, Рустам стха.*

*Свалдин сесин я вун сагъиб,  
Члалар устад, сазрин тлебиб.  
Члехи буба тир ви Къариб,  
Филицхъай я Рустам стха.*

*Аллагъди гайи пай авай кас,  
Хуш члалариз я вун хьи хас.  
Манидар я, пара сарас,  
Филицхъай я Рустам стха.*

*Медениятдин вун я устлар,  
Чидай вичиз манидин кар.  
Мондалин, саз, ва лезги тар,  
Ядай устад я вун стха.*

*Садуллагъди ваз и члалар,  
Кхъейди я, хуш яз гьалар.  
Сагъ чан гуй ваз, са виш йисар,  
Сад Аллагъди Рустам стха.*

**Садуллагъ АМРАГЪОВ.  
Мискинджа хуър.**



## В ПРОКУРАТУРЕ РАЙОНА

**УГОЛОВНЫЕ ДЕЛА  
НАПРАВЛЕННЫ В СУД**

ПРОКУРАТУРОЙ района утверждены обвинительные заключения и направлены в Магарамкентский районный суд три уголовных дела по обвинению жителей Республики Дагестан Шапиева Ахмеда Магомедовича, Мугутдинова Нурутдина Джабраилловича и Надинова Ахмеда Мамагаджиевича в совершении преступлений, предусмотренных ч. 1 ст. 30, ч. 2 ст. 208 УК РФ (приготовление к участию на территории иностранного государства в вооруженном формировании, не предусмотренном законодательством данного государства, в целях, противоречащих инте-

ресам Российской Федерации).

Из материалов предварительного расследования следует, что в период до 30.07.2016 Шапиев А.М., Мугутдинов Н.Д., Надинов А.М., Аллахьяров А.В., действуя согласованно, соблюдая меры конспирации, провели ряд подготовительных мероприятий (получение заграничного паспорта, накопление денежных средств, сбор предметов обихода, соискание попутчиков и т.д.) с целью беспрепятственного убытия на территорию Сирийской Арабской Республики, где намеревались вступить в незаконные вооруженные формирования для принятия участия в боевых

действиях против правительственных войск данной республики.

Однако сотрудниками правоохранительных органов, располагавшими оперативной информацией о планируемых противоправных деяниях названных лиц, пресечен их выезд с территории Российской Федерации через МАПП «Тагиркент-Казмалар» Магарамкентского района.

Расследование уголовного дела в отношении четвертого участника преступления (Аллахьяров А.В.) находится на стадии завершения.

**М. КАЗИАХМЕДОВ,**  
прокурор района,  
старший советник юстиции.

**ПРОВЕРКОЙ УСТАНОВЛЕНО**

Проведенной прокуратурой Магарамкентского района проверкой исполнения органами местного самоуправления градостроительного законодательства при утверждении и реализации правил землепользования и застройки территорий выявлены существенные нарушения закона.

В частности, выявлены факты не разработки рядом муниципальных образований поселений генеральных

планов, либо их утверждения с нарушением установленного порядка, без проведения публичных слушаний; отсутствия документов о согласовании генеральных планов в порядке, предусмотренном ст. 25 Градостроительного кодекса РФ; не соблюдения требований закона об установлении границ территориальных зон.

Выявлено принятие незаконных правовых актов о выдаче разрешений на изменение условно разрешенного

вида использования земельного участка.

По выявленным нарушениям закона принесено 3 протеста на предмет отмены незаконных правовых актов, внесены представления главам 20 муниципальных образований поселений.

Рассмотрение актов реагирования находится на контроле.

**М. КАЗИАХМЕДОВ,**  
прокурор района,  
старший советник юстиции.

**ЧИ РЕСПУБЛИКАДА**

РОССИЯДИН Президент Владимир Путина Дагъустан Республикадин Кьил Рамазан Абдулатиповаз «Ватандин виллик лайихлувилерай» IV дережадин орден ганва.

Указда республикадин Кьилиз орден государстводин виллик члехи лайихлувилерай ва гзаф йисара бегьерлудаказ кваллахунай ганвайди кьейднава.

\* \* \*

Роспотребнадзордин Дагъустан Республикада авай Управлениеди зияратчяр патал памятка гъазурнава. Ада Гъажда авай члавуз Дагъустандин мусурманар инфекциядин жуьреба-жуьре азаррикай хуьз кумек гуда



# Дуьньядилай цлар илитна

## ГЪАВАДАЙ ГЪУЖУМНА

ТУРКИЯДИН гъавадин дяведин къуватри уьлкведа къадагъа авунвай Куьрдистандин Рабочий партиядин (РПК) Иракдин кеферпата Гара регионда авай сенгеррал гъавадай гъужумна, хабар гана 29- августдиз Amadolu агентстводи.



Туркиядин хатасузвилдин къуватрин чешмейри хабар гайивал, серенжем чкадин вахтуналди йикъан сятдин садан зуралай сятдин 2-далди давам хъана. «Агалкъунралди женгинин тапшуругъ тамамарайдалай гъгъуьниз самолетар чеб къарагъай базада ацукъна», - кхъизва агентстводи.

Туркиядин яракълу къуватрин генштабдин малуматдал асаслу хъана. Рейтер агентстводи къейдзавайвал, Сириядин Жераблус шегъердивай къиблепатахъ террористрикай 400 квадратный километрдин мулк михьи авунва. Гъакъикъатда гъихътин экстремистрикай ихтилат физватла, тайинарзавач.

Генштабда гъакъни къейдна хьи, гила Туркиядин серенжем Сирияда «уьлкведин рагъэкъечидай пата давам жада».

24-августдилай Анкаради Сириядин кеферпата «Евфратдин къалхан» тивар алай серенжем кыле тухузва. Ада Туркияди яракълу къуватрин подразделенийрин 200 аскерди, гъакъни махсус метлебдин подразделениедин 150 боецди иштиракзава. Туркиядин къушунри ва Анкаради тереф хуьзвай Сириядин азад армиядин восстаниедиз къарагънавайбуру Джераблусдал гуьзчивалзава.

Анкарада къейдзавайвал, военный серенжемдин метлеб Сириядин кеферпад «Исламдин государстводин» (Россияда къадагъа авунва) террориствилдин дестедин боевикрикай азад авуникай ва Сириядин куьрдери и территорияр къаз тун тавуникай ибарат я.

Кылди къачуртла, Туркиядин властри куьрдери яракълу дестейривай Евфрат вацун рагъэкъечидай патахъ фин ва абурвай чпин вири дестеяр 12 -августдиз «Исламдин государстводин» боевикрикай азад авур Сириядин Манбидж шегъердай акъудун истимишна.

2015- йисан июлдиз Туркиядин властринни РПК-дин арада авай ислягъвилдин икьрар чурнай. Идахъ галаз алакълу яз Анкаради уьлкведин составда аваз автономия тешкилун патал женг члугвазвай куьрдери хъ галаз чуррук башламиш хъува. Идан себени Суруч шегъерда кыле феи теракт хъана. А члвуз 32 кас телеф хъанай, асул гъисабдай куьрдер, РПК-дин боецри Туркиядин властрик, исламистриз кумек гузва лагъана, тахсир кутунай.

## ИНСАН ПАТАЛ ХАТАЛУ Я

ГЕОЛОГРИН международный коллективди Индо-Гангдин бассейндин ятар ишлемишзавайбур патал арадал атанвай зурба хаталувиликай лагъана Ахтармишун Nature Geoscience журналда чапнава.

Пакистандин, Индиядин, Непалдин ва Бангладешдин агъалийриз цин ресурсар тимил хъуни ваъ, абур (яни яд) инсан патал зегъерлу шейэри къацлруни кьурху гузва. Инд. Ганг ва Брахмапутра вацларин тахминан 200 метрдин къван деринда авай 60 процент ятарик гзаф къадар келер ва мышьяк ква.

Гъавилай абур хъун ва я хуьруьн майишатдин мурадлар патал ишлемишун хаталу я. Спутникри тухвай ахтармишунри къалурайвал, эхиримжи йисара регионда

чилдин кланик квай ятарин къадар тимил жезва. И гъал Индостанда яшамиш жезвай агъалияр патал кылин кьурхулувиликай сад яз гъисабзавай.

Алимри вацларай къачур ятар ахтармишунри къалурзава хьи, чилин кланик квай церин дережа юкъван гъисабдалди дегиш тахъана амуькзава, амма адан (цин) дережа члехи шегъеррин патарив 30 процентдин агъуз аватзава, гуьгъуьнлай патарив гвай чешмейрин гъисабдай абур эвез хъжезва.

## 41 ЙИСАЛАЙ...

ВИННИПЕГДА кри халкъдикай тир кве канадвиз 41 йисан къене чара хизанра яшамиш хъайиди тестикъарай прессконференция хъана. Абур 1975-йисуз дуьньядал атайдалай гъгъуьниз больницада какадарна, хабар гузва .

Мярекатдал ДНК-дин тестрин нетижаяр раижна.Абуру къалурайвал, Леон Свенсон ва Дэвид Тейт-гъвечиди чпин хайи дидебубайри тербияламишнач. Идан гъакъиндай чир хъайила, абур шехъ тавуна клам-шам амуькна.

Чаз лугъудай гафар авач, 41 йис алатнава... Зун жуь-жувавай квахънава, зун перт хъанва, зак хъел ква, малумарна Тейта. Гуьгъуьнлай ада малумарна хьи, вич члехи авур ксар ада гъамиша вичин диде-бубаяр яз гъисабда, амма гила адахъ мад са диде-буба ва стха пайда хъхъана. Адан гафаралди, Тейтрини Свенсонри са члехи хизан хъиз яшамиш хъунин кьарар къабулна.

Леон ва Дэвид Мунтиба виляятда авай больницада какадарна. Абур гъар садан арада пуд югъ аваз дуьньядал атанай. Гъа и медицинадин идарада 1975-йисуз мад кве канадвиз дуьшуьшдай дегишарнай. И кардин гъакъиндай анжах алатай йисан ноябрдиз малум хъана. И дуьшуьшдилай гуьгъуьниз Тейтан ва Свенсонан кылиз ДНК авунин фикир атана.

## ФУТБОЛ - 2016

РАЙОНДИН ФК «Лекиди» Дагъустандин чемпионатда вад лагъай сеферда чемпион хъунихъ йигин еришралди камар къачузва.

И йикъара Дагъустандин чемпионатдин 12- тур хъана. ФК «Леки» Хасавюртда чкадин «Даймохк» командадихъ галаз къугъвана. Гуьруьшда 0:4 гысабдалди ФК «Леки» гъалиб хъана.

Идалай гъейри ФК «Лекиди» Россиядин ЮФО-дин-СКФО-дин Кубокдани иштиракзава. 4- сентябрдиз «Леки» Россиядин Кубокдин къугъуна 2:0 гысабдалди «УОР» Каспийск командадал гъалиб хъана. Идалди ам кубокдин къугъуна са кларцин виниз кжж хъана.

Агъадихъ куь фикирдиз футболдай Дагъустандин чемпионатдин турнирдин таблица гузва.

	команды	и	в	н	п	голы	о
1	"Леки" (с.Магарамкент)	12	10	2	0	47:6	32
2	ФК "Хасавюрт" (г.Хасавюрт)	14	9	4	1	36:14	31
3	«АСК им. Джарулаева» (с.Ашагастал)	14	9	1	1	49:41	28
4	"Легион"- Судостроитель (г.Махачкала)	13	8	3	2	48:14	27
5	"Юлдуз" (с.Бабаюрт")	13	8	0	5	24:22	24
6	"Даймохк" (г.Хасавюрт)	13	5	1	7	22:29	16
7	"Автомобилист" (г.Кизилюрт)	14	4	2	8	32:37	14
8	"УОР" (г.Каспийск)	12	4	0	8	13:22	12
9	"Шавла-КПРФ" (с. Костек)	13	3	1	9	20:39	10
10	"Нарын-кала" (г.Дербент)	14	3	0	11	22:61	9
11	"ДЮСШИВ" (г.Избербаш)	13	2	2	9	15:40	8

## Нурудин НАСРУЛЛАЕВ

## ДАНА-БУГЪУР

(Гъикая)

БУГЪУРДИ бугъ ягъиз ван тунва куьчеда. Кек ягъиз чил къадгъуниз руг тунва. Адал мягтел хъанва бици Бицил. Ада лугъузва бадиз:

-Ба, и бугъур, данадкай хъанвайди яни?

-Эхъ, къве йисан вилик са бици, иер дана тир ам.

-Юу-у! Акайла къве салай закайни бугъур жеда, яни?!

- Гъика?! Вакай вучиз?!

-Малимди тарсуна заз «Дана!» лагъанвайди я.

## ООО «ГАЗПРОМ МЕЖРЕГИОНГАЗ ПЯТИГОРСК» ПРЕДУПРЕЖДАЕТ

СОГЛАСНО положениям действующего законодательства РФ обязанность и ответственность по обеспечению надлежащего состояния, в том числе замена либо продление срока эксплуатации установленных в домовладениях приборов учета газа лежит на абоненте, то есть, на которого зарегистрирован лицевой счет. Настоятельно рекомендуем и предупреждаем абонентов, приборы учета газа (счетчики) которых просрочены, безотлагательно принять все необходимые меры по установке новых приборов учета газа либо продлить срок эксплуатации имеющегося прибора. Для этого первоначально необходимо обратиться с письменным заявлением в территориальный участок Магарамкентского района. К сведению абонентов сообщаем, что просроченные приборы учета газа аннулируются по базе данных ООО «Газпром межрегионгаз Пятигорск» и расчеты за потребляемый объем газа производятся по действующим на территории Республики Дагестан нормативам, которые в отопительный сезон, действующий с середины октября месяца каждого года, значительно выше среднего расхода по прибору.

Къилин редактор  
А. А. ИСМАИЛОВ.

## Редакциядин адрес:

368780. РД, Магъарамдхуьруьн район, Магъарамдхуьр, Ленинан куьче.

Газет гъафтеда садра  
акъатзава.

Учредители: Муниципальная районная администрация «Магарамкентский район» и коллектив журналистов редакции районной газеты «Самурдин сес» (Голос Самура).  
Адрес: 368780. РД, Магъарамдхуьруьн район, Магъарамдхуьр, Гагаринан куьче, 2.

Газета «Самурдин сес» (Голос Самура) зарегистрирована Региональным управлением Комитета РФ по печати в РД.

Чап ийиз вахкудай вахт - 16.00.  
Чапун патал къул члугуна- 15.00.

Газет ООО «Самур» типографияда гъазурна ва гъана чапна. Типографиядин ва издателдин адрес: 368780. РД, Магъарамдхуьруьн район, Магъарамдхуьр, Ленинан куьче. Лезги члал.  
Индекс 63340. Тираж 1570.  
Заказ № 37.

Телефонар: редактор- 25-1-37, жавабдар секретарь - 25-1-39,  
бухгалтер-25-9-69.

6+